

OHR pozdravlja sporazum o mostarskim skolama

Ured Visokog predstavnika srdacno pozdravlja sporazum o buducem zajednickom koristenju skolskih zgrada u Mostaru, koji su juce potpisali nadlezni organi kantona, grada i općina u Mostaru.

Visi zamjenik Visokog predstavnika, ambasador dr. Matei Hoffmann smatra da je sporazum, izmedju ostalog, rezultat združenih i usmjerenih napora OHR-a i drugih medjunarodnih organizacija u cilju uspostave racionalnog i modernog sistema obrazovanja u Bosni i Hercegovini. Ovi napori vode ka sve rasprostranjenijem misljenju u BiH da segregacija u sadasnjim obrazovnim sistemima stoji na putu pomirenja, rezultira niskim obrazovnim standardima i sprecava integraciju Bosne i Hercegovine u Evropu.

Mostarski sporazum će doprinijeti boljem razumijevanju medju učenicima, vecoj toleranciji i visim standardima obrazovanja u cijelom regionu.

Ambasador Hoffmann smatra da je mostarski sporazum dio uspjesnih pregovora koji su doveli i do ponovne uspostave multietnickih škola u Stocu i Varesu.

Sporazum o zajednickom koristenju zgrade Gimnazije u Mostaru je od posebne važnosti buduci da je već davno trebao biti postignut, kao i zbog toga što predstavlja još jedan korak ka ujedinjenju Mostara. OHR se nada da će Gimnazija ponovo postati centar u kojem se promovira kvalitet i dijalog.

OHR očekuje od Parlamenta Federacije da usvoji prijedloge o upotrebi sredstava koja bi donirao OPEC (Organizacija zemalja izvoznica nafte), da bi se ta sredstva stavila na raspolaganje. Sredstva će biti iskoristena za daljnji popravak

zgrade Gimnazije, kao i za rekonstrukciju odredjenog broja skolskih objekata sirom zemlje.

OHR takođe očekuje da se od septembra 2000. godine u Mostaru i drugim mjestima u BiH u potpunosti implementiraju sve mjere utvrđene u Sporazumu i Deklaraciji o obrazovanju, koje su potpisali entitetski ministri obrazovanja 10. maja 2000. u OHR-u u Sarajevu.